



كيف اموتك جرح وحيابك جروح
كيف المك شوق ورجع انثرك
كيف اصور للجسد نزعات روح
كيف انامك ليل ورجع اسهرك
المحاجر ملها ملح يفوح
والحنايا قوتها من سكر
عجزت افواه السوالف لاتبوح
تلبس ايامي محاسن مظهرك
نامت عيون القصايد وين اروح
الحناجر صوتها مايعذرك
كل محاسيت بطيفك تلوح
في شتات العمر قلت ادورك
يعني اشيءك تغني للوضوح
ياسنين الوقت كيف اصورك
الجنون يحدني اهدم صروح
واترك العالم وانام بمحجرك
وانثني في صمت اهاتي ونوح
وارتمي باحضان وقتي واشكر
الذنوب اخوان وايامك تروح
طشها للريح من خلف اضهر
كان موتك جرح بحيابك جروح
 واجمعك في شوق ورجع انثرك

بدر الضمني



الطفولة

رجعت لورا لايام في طية النسيان
معالم طفولة عاجز الوقت يخفيها
ليالي الهنا عن مسحها وقتها عجزان
انا من خلال الذاكرة شفت ماضيها
اشوف الربيع الزين واشوف لي بدوان
ومقاطر طويلة مالقنا تواليها
انا اشوف لي روض امتلا باجمل الغزلان
واشوف العدود اللي القطا من حواليها
وانا اشوف لي عد شهد مفرق الخلان
وعليه التقت ياما هنوف بغاليها
وبيت كبير تلعب اقباله الورعان
ومن بينهم طفلة يحير النظر فيها
براءة طفولة رائعه تخجل الشيطان
وتزيد التدلع كل مامر واليها
تمرد فرحها سابق الطير بالريضان
لحتى عجز عنها الفضا لايكفيها
معاها القدر طايح وهي تشتتي العصيان
تدور على اللي بالتحدي يناحيها
وعنها القدر غص النظر فاشل وخسران
عجز وارتجف خاف القدر من تحديها
انا ادري عن الترحال عادة مع البدوان
ولكن غريبة كيف تهجر اراضيها ؟
انا ضحكتي للحين في وحشة الوديان
تصارع شبح نسيان وتخاف يطويها
تدور على الحروة وتلقى العوض مرهان
تمرد تزيد ولالقت شخص يحويها
تشوف بزوايا مرحنا ندرة الاحزان
يقولون به احزان نسمع بطاريها
تعود لاراضي شاسعه ماوطاها انسان
تراودني الشكة على صدق ماضيها

عابرة سبيل